

Incumbensa Wilhelm concernent ils tschains da retard memia auts en cas da facilitaziuns da pajament

L'elavuraziun da dumondas per facilitaziuns da pajament en connex cun taglias, taxas e.u.v. tutga tar las fatschentas da mintgadi da las vischnancas en la situaziun economica actuala. A blers manaschis mancan ils meds finanzials liquids. Areguard ils tschains sin taglias e sin auters quints che na vegnan betg pajads entaifer il termin fixà s'orienteschan bleras vischnancas (en cas da la vischnanca da Tavau per lescha) a la pratica che vala per la taglia chantunala conform a l'art. 153 da la Lescha da taglia per il chantun Grischun (LT). Per l'onn 2020 ha il chantun relaschà correctamain il tschains da retard correspondent respectivamain fixà quel a 0 %. Actualmain vala però puspè il tschains da retard salà da 4 % sco avant il temp da corona:

<https://www.gr.ch/DE/institutionen/verwaltung/dfg/stv/bezahlen/Seiten/verzinsung.aspx>

Quest tschains aut n'è per blers betg chapibel. El ha facticamain l'effect da chastiar quellas interpresas che ston prorogar lur quints per pudair superar la crisa. La finala è la liquiditad da las interpresas l'onn 2021 anc mendra che l'onn 2020. Damai ch'il chantun n'ha – tenor ils scleriments – betg planisà d'eliminar bainbaud questa situaziun pauc bella en connex cun ils tschains chantunals, fan las sutsegnadras ed ils sutsegnaders la suandant pretensiun:

La Regenza fixescha il tschains da retard tenor l'art. 153 LT – analogamain al conclus da l'onn da crisa 2020 er retroactivamain per il 1. da schaner 2021 – a 0 % per l'onn 2021 e curregia d'uffizi ils rendaquints dals tschains 2021 er per ils cas gia liquidads.

Tavau, ils 18 da favrer 2021

Wilhelm, Valär, Bettinaglio, Atanes, Baselgia-Brunner, Berweger, Brandenburger, Brunold, Cahenzli-Philipp, Caluori, Cantieni, Caviezel (Cuira), Censi, Cramer, Danuser, Degiacomi, Derungs, Dürler, Ellemunter, Epp, Felix, Florin-Caluori, Föhn, Gartmann-Albin, Gugelmann, Hardegger, Hartmann-Conrad, Hofmann, Hohl, Holzinger-Loretz, Horrer, Kasper, Kohler, Kunz (Cuira), Lamprecht, Loi, Maissen, Mittner, Müller (Favugn), Natter, Niggli-Mathis (Grüsch), Noi-Togni, Papa, Paterlini, Perl, Preisig, Rettich, Rutishauser, Schutz, Schwärzel, Thomann-Frank, Thür-Suter, von Ballmoos, Wellig, Widmer-Spreiter (Cuira), Zanetti (Landquart), Altmann, Bürgi-Büchel, Collenberg, Fontana, Pajic, Spadarotto, Tomaschett (Cuira)